

Belabagn sainza concorrenza

Gion Nutegn Stgier/FMR

Per la terza gEDA è Silvia Plaz campionesa grischuna tigl teir d'armas 300 meters. Nigna medaglia ò fatg per eneda Urs Brazerol.

Las relaziuns optimalas cun ena bunga gleich, ena vista stupenta e per eneda nign vent agl stand da teir «Rossboden» a Coira on pussibilito a tiradours e tiradours da far resultats excellents. Dalla parteida all'occurrenza cantunala è stada l'elita da teir digl Grischun. An ples categorias on 120 tiradours sagetto igls differents programs.

Defendia igl sies tetel

Cun l'arma 57/03 è Silvia Plaz da preschaint aint igl Grischun la maseira e chegl per l'antiera concorrenza. Er sonda passada tigl campionadis grischuns 2023 è ella stada ena classa per sasez. Ella ò sagetto precis e gudagnea la categoria arma 57/03 an vainter scu gio avant en onn. Silvia Plaz ò fatg 573 puncts, chegl tg'è en fitg bung resultat. Cun chella victorgia è la tiradoura davantada siva digl 2020 ed igl 2022 per la terza gEDA campionesa ainten chella categoria. La victoura ò sagetto cun 573 puncts, seis puncts duple tgi Hermann Sgier da Tumegl. A Romeo Poltera ed a Severin Thorsten, tots dus da Savognin è betg reuschia da neir aint igls top diesch.



Ulterioura medaglia dad ôr per Silvia Plaz tigl campionadis grischuns da teir sen la distanza lunga.

«Angal» igl quart plaz

Ferma è la concorrenza alloura stada per Urs Brazerol, siva da bliers onns egn digls miglers tiradours da Surmeir. El ò tutgia er sonda passada tar egn digls favorits per gudagner igl tetel u far ena medaglia ainten la categoria arma da sport an vainter. Igl concurrents on alloura sagetto precis ed anc ensatge migler tgi igl tiradour dalla Val Alvra.

Gudagnea la concorrenza ò Michael Monsch da Zezras e chegl cun en resultat da 590 puncts. Igl nov campion grischun ò fatg tar mintgna dalla seis passas ple tgi 97 puncts, dus



Vardan pitost critic segl cedel da resultat. (da san.) Romeo Poltera e Theodor Jäger.

Fotos Gion Nutegn Stgier

passas schizont da 100 puncts. Urs Brazerol ò gia da sa cuntantar cuagl quart plaz.

Linard Jäger da Cunter, cun 23 onns igl pi joven participant, ò tratg pulit e fatg ena bunga experientscha per la cuntinuaziun dalla sia carriera da teir.

Campions grischuns èn er anc nias: Otto Bass da Rabiun, Ralf Komminoth da Maiavilla, Silvio Pitsch da Müstair e Max Davatz da Valzeina. Dobel campion grischun, scu gio numerousas gedas, è nia Elmar Fallet da Müstair sen las distanzas da 25/50 meters cun la pistola.

Diesch gedas animals digl zoo

Madlaina Capeder/FMR

Igl taimp da stad è er igl taimp da vacanzas. Ins ò peda per la famiglia, dad eir sen en piz, a far bogn, cun velo u er a far ena viseta aint igl zoo. Percheigl oz diesch pledigns e pledungs rumantschs cun translaziun tudestga cugls noms digls animals exotics tgi èn da vaseir surtot aint igls zoos.

La redacziun dalla FMR preschainta regularmentg ainten la rubrica «Pledigns e pledungs» plets u dumondas linguistics rumantschas. Ena rubrica tgi duess animar da duvrar ed ampren-der igl lungatg rumantsch.

igl scunc
igl smarschung
igl portg spinous
igl suricat
igl urset american
igl armadegl
igl pivung
igl rinoceros
la foca
igl strut

das Stinktier
 das Faultier
 das Stachelschwein
 das Erdmännchen
 der Waschbär
 das Gürteltier
 der Pfau
 das Nashorn
 der Seehund
 der Strauss

PLEDIGNS & PLEDUNGS